



SULEQATIGIISITSISUT
SAMARBEJDSPARTIET

Nuuk ulloq 22. maaji - 2019

Inatsisartut Suleriaasianni § 37 imm. 1 naapertorlugu Naalackersuisunut apeqqutit imaattut matumuuna saqqummiuppakka:

Apeqqutit Naalackersuisunut:

- 1. Malunnarpoq inuinnaat takusimagaat timmisartooq NASA lockheed P-3b Orion Ilulissat qulaallugit timmisooq. Naalackersuisut kikkunnut tamanut nalunaarutigisinnaanerlugu timmisartup taamaattup nunatta qulaani silaannakkut timmineranut suna pissutaanersoq?**
- 2. Naalackersuisut isumaqarpat imaluunniit ilisimavaat Issittumi sakkussiortoqarnerooq, eqquttumik oqaatigalugu Kalaallit Nunaanni, killeqarfiit nakkutiginiarlugit, sakkutooqarnikkut soqutigisat pissutigalugit imaluunniit allat?**
- 3. Taamaattoqarsimappat taava Naalackersuisut qanoq ilisimatinneqarpat, tamatumunnga pissutaasoq pillugu?**
- 4. Naalackersuisut sillimanissamut politikkimut tunngasut paasissutissat pillugit Inatsisartut qanoq avitseqatigisarpaat?**
- 5. Naalackersuisut sillimanissamut politikkimut tunngasut paasissutissat pillugit innuttaasut qanoq avitseqatigisarpaat?**
- 6. Naalackersuisut pilersaaruteqarnerlutik paasissutissiisarnerup annertussusaanik allannguissaminnut aamma paasissutissiisarnerup qanoq akulikitsigisarnissaanut siunissami?**

(Inatsisartunut ilaasortaq Tillie Martinussen, Suleqatigiissitsisut)

Tunngavilersuut:

Kalaallit Nunaata qulaani silaannakkut timmisartooq eqqumiitsoq timmisooq innuttaasunit nalinnaasunit takuneqarsimavoq, takunnittut takusartik ilaatigut Facebookimi allanut ingerlateqattaarpaat.



SULEQATIGIISITSISUT
SAMARBEJDSPARTIET

Suleqatigiissitsisuni isumaqarpugut innuttaasut pitsaanerusumik itinerusumillu sillimanissamut politikimut tunngasut pillugit ilisimatinneqartarnissartik pisariaqartikkaat aamma partiit sinnerisa allat tamarmik tamanna iluaqutissarsivigisassamassuk.

Qularutigineqassanngilaq nunarsuarmi tamarmi tunngavissat inatsisillu nutaat pilersinneqariartulermata, pissutigalugit peqqarniisaarnissamut siorasaarisarnerit, qarasaasiakkut sillimanissap atortut innarlerniarneqartarneri, nunat aningaasarsiornikkut nukittuut nutaat saqqummerarneri, Europamut qimaasut kiisalu uangut ilisigisatta akornanni sillimanissamut politikikkut nutaamik nipeqaleneri.

Folketingip nutaamik katiterneqarnissaa eqqarsaatigalugu, soqutiginarsinnaavoq tusassallugu Naalackersuisut sillimanissamut politikki pillugu malinnaatinneqartiginersut aamma pilersaarutaanersoq tamanna pillugu innuttaasut ilisimatinneqartarnissaat kiisalu Inatsisartut.

Apeqqutit akeqquneqarput ullut qulit iluanni.

Inussiarnersumik inuulluaqqusillunga
Tillie Martinussen
Samarbejdspartiet – Suleqatigiissitsisut
